



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Ottoni Regi in Romanorum Imperatorem electo.

urn:nbn:de:hbz:466:1-20006

fidem non teneant, juramenta non servent, & despiciant Petri claves, nobis suggestur à plenisque ut propter hoc & alias multas necessitates Ecclesia generale Concilium convocemus; quod si duxerimus convocabandum, te personaliter volumus interesse. Te igitur super hoc sicut venerabilem fratrem, & de quo plenè confidimus, consilientes, volumus & mandamus ut tam de his quām de aliis quæ p̄m̄simus nobis quām c̄tūs per fidēlēm nūntiūm & discreta non differas respondere. Datum Laterani.

LITTERÆ OTTONIS REGIS IN
Romanorum Imperatorem electi.

Epist. 81.

Venerabili in Christo Patri ac Domino Innocentio sacrosancte Romane Ecclesiæ summo Pontifici Otto Dei gratia & sua Romanorum Rex & imperator Augustus debitam subjectionem & reverentiam cum filiali dilectione. Paternati vestræ, Pater sancte, significamus quod Colonensis Ecclesia Coloniensem Archiepiscopum ita nobis in fidilitate alligavit quod ipsum nunquam firmorem & stabilorem habimus quām nunc habemus; quia si a compromissione facta resistire vellit, non posset. Sciatīs præterea quod nos cum carissimo avunculo nostro Rego Anglie sumus confederati, ita quod ipsi contra omnes homines in rebus & in pecunia nobis subservientia tenet unā cum regno suo, & nos ei, salvo honore & honestate Romana Ecclesiæ, cui nos & ipse nunquam derimus. Tenerunt enim avunculus noster cum Rege Francia facere pacem, sicut & nos de mandato vestro tenebimur. Alioquin pacem & concordiam cum ipso non fecissemus, nisi vobis & Ecclesia Romana videtur expeditre. Nihil etiam, teste Legaro, fecimus in prajudicium Regis Francie. In ipso sumus cujusdam magna nostra promotionis; de qua cum certificati fuerimus, quam Deo volente breviter sciemus, vobis tamquam Patri ac Domino nostro significabimus; & vos cum tota curia per Dei gratiam gaudebitis. Sciatīs insuper certissime quod omnem promotionem nostram, post Deum, sanctificati vestræ recognoscimus, nuntios nostros, vos ad certificandum de statu nostro, vobis s̄p̄ius transmittimus; sed si ad vos veniant ignoramus. Nos enim super omnia prosperum statum vestrum audire desideramus. Ita quæ scripsisti pro nobis in Theutoniam supplicamus ut idem facias in Italia.

ILLVSTRIS OTTONI REGI
in Romanorum Imperatorem electo.

Epist. 82.

Non oportet ut animi puritatem, quam in promotionis tua negotio gessimus, litteris exprimamus, cum jam intentionem nostram opera manifestent, nec super his egenus testibus peregrinis quæ tua serenitas recognoscit. Novit enim celstido regalis quod post eum a quo est omnis potestas, cum sit Rex Regum & Dominus dominantium, per nos vicarios ejus indignos tua promotionis initium felicem haec tenus est fortita progressum, licet principium debile processus difficilis sit secutus. Vnde regia serenitas non miretur si nondum iuxta votum nostrum & suum cōceptum est negotium consummatum, quia nihil repente fit summum, ipsumque negotium tam magnum existit quod in secularibus non est maius, & si ad hujus promotionis primitias & medijs temporis obstacula respectus debitus habeatur, non sit modicum reputandum quod in tantum est per Dei gratiam prosperatum. Nos autem de tua prosperitate gaudemus, & successus tuos proprios reputamus; utpote qui plantæ nostræ obliisci non possumus, sed quam plantavimus & rigavimus, lætamur ab eo sine quo neque qui

plantar neque qui rigat est aliquid pleniū augmentari. Gaudemus etiam quod memor propriae sponsonis, in forma pacis quam cum carissimo in Christo filio nostro * Philippo illustri Rege Francorum pacem, sicut & tu, ipseface teneretur. Monemus igitur serenitatem tuam & exhortamur in Domino quatenus de tua promotione sollicitus, qua ad eam spectare cogoveris studeas efficaciter procurare. Specialiter autem tibi caveas ab infidis malignorū, ne in personam tuam aliquid valeant machinari. Nos enim, quantum nobis permittit Dominus, ultra fortē quām credas super promotionis tua negotio vigilamus, sperantes quod illud dante Domino desideratum celeriter consequetur effectum. De nobis autem nos te volumus quod valemus per Dei gratiam & vigemus, & universa nobis, quantum tamen humana conditio patitur, pro voto succedunt. Datum Laterani Idibus Ianuarij.

Perdidam Archiepiscopi Trevirenſis vos non credimus ignorare; qui licet præter communis obedientiæ vinculum & juramentum fidelitatis quo Ecclesia Romana tenetur, nobis promiserit firmiter & juramento fitmarit quod super facto imperij beneplacitum nostrum sine conditione qualibet sequeretur, quasi tamē hæc omnia parvipendens, non solum super hoc nostris haec tenus noluit obedire mandatis, sed pro viribus restitit & resistit ne nostrum beneplacitum impleatur, latam etiam in se excommunicationis sententiam parvipendens; nec credit suæ præsumptioni sufficere quod inobedientiæ reus, transgressor fidei, & juramenti proprij violator effectus, contra id quod nobis firmiter repromisit, litteris suis patentibus super hoc apud nos in testimonium derelictis, venire præsumit, sed vos etiam, sicut accepimus, in testimonium invocat falsitatis, afferens quod personam carissimi in Christo filii nostri illustris Regis Ottonis in Romanorum Imperatorem electi excepit cum juravit. Nos igitur ejus contumaciam attentes, excommunicationis in ipsum sententiam duximus proferandam; sed ipse adhuc in sua contumacia perseverans, eam contemnere non veretur. Nolentes igitur temeritatem hujusmodi relinquere incorrectam, fraternitati vestræ per apostolica scripta mandamus & districte precipimus quatenus excommunicatum cum singulis diebus dominicis & festivis, pulsatis campaniæ, & candelis accensis, publicè nuntiatis & per vestras faciat dioceses sub solemnitate simili nuntiari; ex parte nostra denuntiantes eidem quod nisi post denuntiationem nostram infra sex menses ad mandatum nostrum redierit humiliter & devotè, ac sicut juramento teneatur, super facto imperij nostra satisficerit voluntati, ex tunc convocato vicinorum Episcoporum Concilio de consilio fratrum nostrorum depositionis in eum sententiam proferemus. Datum Laterani v. Kal. Martij, pontificatus nostri anno sexto.

